

ասացեալ թէ Որ գնացեալ են ի պօստանն Պօխլուճայ եւ գիր են գրեալ. զայն գիրն բերեալ տայցեն յիս և ապա արձակեցից: Եւ նոքա ոչ կամեցան տալ զբազում օրս եւ խնդրէին զփրկոնն. եւ նա ասաց թէ Ոչ է լինելոց, անհնարին՝ եթէ առանց թղթին այնմ արձակեցից զնա: Եւ զայս լւեալ նոքա անճարակացեալ տարեալ ետուն զգիրն զայն ի ձեռս նորա: Եւ էր գիրն. Պատճառ գրիս, թվ. ՌՃԴ մեք Սուրբ Սարգսայ միաբան քահանայք եւ ժողովուրդք Սուրբ Էջմիածնայ հնազանդ եմք եւ Յովանէս վարդապետին նոյնպէս, և նորին առաջնորդութեանն մեզ վերայ մինչև ի մահ կամիմք. և այլ սոցին նման գրեալ էին: Եւ Մարտիրոս վարդապետն տեսեալ զայս եւ ձայնեալ ի մերայնոցն թէ Դուք յայսմ բանիս գիտա՞կ էք որ այսպէս են գրեալ՝ Միաբան քահանայք եւ ժողովուրդք. եւ սոքա ասացին թէ Ոչ գիտեմք: Քանզի ի ժամանակին յայնմ գնացեալ եղեն նոքա, որ էին Էսիլի<sup>1)</sup> թող Ուաչատուր երէցն եւ Ոսկան երէցն եւ Պարմախսուզն եւ Թըլթըլն եւ Պնեաթն եւ այլք, որ իւրեանց համախորհն վասն նախանձու երիցանցն մեր և աթոռակալաց եւ իշխանացն մեր: Զայս ասացեալ Մարտիրոս վարդապետին թէ Վաղեան օրն դատաստան կ'առնեմք և հարցանեմք ձեզ թէ Դուք գիտա՞կ էք այսմ իրի. և մերայինքս ասացեալ թէ Վարդապետ, զայդ արասցես եւ մեք կռի՞ւ առնելոց եմք ընդ նոսա, եւ նոցա բանն կ'աւիրի՞ զփրկոնն ոչ տալով նորա. իւրեանքն գիտեն, մեզ պէտք է կռիւ: Եւ դարձեալ ասաց թէ Թո՛ղ դան Զ եկեղեցոյ իշխանքն և իրիցունքն և նոցա առաջի արձակեմ եւ պատուէր ունիմ տալու, տամ և արձակեմ: Եւ զայս լւեալ նոցա, անկանելով յայտ դինս և յայն դինն, մինչև խաբանեաց զայս իր՝ թէ

1) Էսիլ.